

**COFNODION CYFARFOD BWRDD TYFU CANOLBARTH CYMRU  
A GYNHALIWYD DROS ZOOM AR  
DDYDD MERCHER, 15 RHAGFYR 20212**

**YN BRESENNOL**

**Aelodau Cyngor Sir Ceredigion:**

Y Cynghorydd Bryan Davies, Arweinydd ac Aelod Cabinet dros Wasanaethau Democraataidd, Polisi, Perfformiad a Phobl a Threfniadaeth **(BD)**

Y Cynghorydd Catrin M S. Davies, Aelod Cabinet dros Ddiwylliant, Hamdden a Gwasanaethau Cwsmeriaid **(CD)**

Y Cynghorydd Keith Henson, Aelod Cabinet dros Briffyrdd a Gwasanaethau Amgylcheddol a Rheoli Carbon **(KH)**

Y Cynghorydd Matthew Vaux, Aelod Cabinet dros Bartneriaethau, Tai, Cyfreithiol a Llywodraethu a Diogelu'r Cyhoedd **(MV)**

**Aelodau Cyngor Sir Powys:**

Y Cynghorydd James Gibson-Watt, Arweinydd ac Aelod Cabinet dros Bowys Agored a Thryloyw **(JGW) (Cadeirydd)**

Y Cynghorydd Aled Davies **(AD)**

Y Cynghorydd David Selby, Aelod Cabinet dros Bowys Mwy Lewyrchus **(DS)**

Y Cynghorydd Amanda Jenner **(AJ)**

**Swyddogion:**

Eifion Evans, Prif Weithredwr, Cyngor Sir Ceredigion **(EE)**

Barry Rees, Cyfarwyddwr Corfforaethol, Cyngor Sir Ceredigion **(BR)**

Elin Prysor, Swyddog Arweiniol Corfforaethol: Cyfreithiol a Llywodraethu, Cyngor Sir Ceredigion **(EP)**

Lowri Edwards, Swyddog Arweiniol Corfforaethol: Gwasanaethau Democraataidd, Cyngor Sir Ceredigion **(LE)**

Russell Hughes-Pickering, Swyddog Arweiniol Corfforaethol: Yr Economi ac Adfywio, Cyngor Sir Ceredigion **(RHP)**

Duncan Hall, Swyddog Arweiniol Corfforaethol: Cyllid a Chaffael, Cyngor Sir Ceredigion **(DH)**

Arwyn Davies, Rheolwr Corfforaethol: Twf a Menter, Cyngor Sir Ceredigion **(ADa)**

Ffion Lloyd, Cyfreithiwr, Cyngor Sir Ceredigion **(FL)**

Carwyn Jones-Evans, Rheolwr Gwasanaeth Twf a Datblygiadau Mawr, Cyngor Sir Ceredigion **(CJE)**

Dr Caroline Turner, Prif Weithredwr, Cyngor Sir Powys **(CT)**

Clive Pinney, Pennaeth Gwasanaethau Democraataidd a Chyfreithiol, Cyngor Sir Powys **(CP)**

Cathy Martin, Rheolwr Gweithrediadau, Tyfu Canolbarth Cymru **(CM)**

Aggie Caesar-Homden, Rheolwr Partneriaeth – Partneriaeth Sgiliau Rhanbarthol Canolbarth Cymru, Tyfu Canolbarth Cymru **(ACH)**

David Owen, Rheolwr Rhaglen Ddigidol, Tyfu Canolbarth Cymru **(DO)**

Angharad Massow, Swyddog Cyfathrebu, Tyfu Canolbarth Cymru **(AM)**

Paul Griffiths, Cynghorydd, Cyngor Sir Powys **(PG)**

Martin Kiss, Cynrychiolydd y Grŵp Cynghori Economaidd **(MK)**

**Arsylwyr y Llywodraeth:**

Gareth Ashman, Pennaeth Twf Rhanbarthol a Lleol, Llywodraeth y DU Cymru

Susan Corcoran, Tîm Twf Rhanbarthol a Lles, Llywodraeth y DU Cymru

Ann Watkin, Pennaeth Strategaeth, Aliniad Gweithrediadau a Chynllunio, Llywodraeth Cymru

## **1. CROESO AC YMDDIHEURIADAU**

Estynnodd y Cadeirydd groeso i bawb i'r cyfarfod.

Cafwyd ymddiheuriadau gan Y Cynghorydd Clive Davies (CSC), Y Cynghorwyr Matthew Dorrance (CSP), Nigel Brinn (CSP), Diane Reynolds (CSP) a Nicola Williams (CSP).

## **2. DATGANIADAU O FUDD PERSONOL**

Ni adroddwyd unrhyw ddatganiadau o fudd personol.

## **3. COFNODION DRAFFT Y CYFARFOD DIWETHAF 21/06/22**

Cytunwyd bod cofnodion y cyfarfod diwethaf a gynhaliwyd ar 21 Mehefin 2022 yn gofnod cywir.

Amlygodd CT y ffaith nad oedd yr aelodau etholedig sy'n cynrychioli Cyngor Sir Powys ar y Bwrdd yn Aelodau Cabinet, fel y nodwyd ar dudalen 1 y cofnodion.

## **4. PARTNERIAETH SGILIAU RHANBARTHOL CANOLBARTH CYMRU**

Rhoddodd ACH ddiweddariad i'r aelodau am y cynnydd a sicrhawyd gan Bartneriaeth Sgiliau Rhanbarthol Canolbarth Cymru. Nodwyd bod RSP wedi cael copi o'r Llythyr Dyfarnu Grant a dogfennau Targedau Atodlen 2. Cyfeiriwyd at y Blaenraglen Waith, gan gynnwys y canlyniadau allweddol i'w cyflawni dros y 12 mis nesaf, fel y rhestrwyd ym mharagraff 4.5 yr adroddiad.

Estynnwyd y dyddiad cau ar gyfer ail Swyddog Prosiect RSP i 09.10.22. Oherwydd y cyfnod galaru, ad-drefnwyd Cyfarfod Blynyddol RSP, a oedd i fod cael ei gynnal ar 12.09.22, a bydd yn cael ei gynnal nawr ar 17.10.22 am 2pm. Yn ddiweddar, cynhaliodd ACH ac Arweinwyr y ddau Gyngor gyfweiliadau am Gadeirydd Bwrdd RSP, a byddai enw'r unigolyn yn cael ei gyhoeddi yn ystod y Cyfarfod Blynyddol. Byddai Adrian Watkins yn parhau i gyflawni rôl y Cadeirydd tan 17.10.22. Cyfeiriwyd at gylchlythyr Tyfu Canolbarth Cymru a ryddhawyd ar 22.08.22 a chefnidir Logo arfaethedig Bwrdd RSP.

Esboniodd y Cadeirydd ei fod ef ac Arweinydd CSC yn falch eu bod wedi gallu penodi Cadeirydd o ansawdd uchel cyn y Cyfarfod Blynyddol.

Eglurodd ACH eu bod wedi cael 68 o ymatebion i'r arolwg busnes, a oedd yn swm cymharol isel, ond eto, roedd yn debyg i'r swm a gafwyd ar gyfer arolygon blaenorol. Rhannwyd yr arolwg ym mhob ffordd bosibl. Roedd gweithgarwch ymgysylltu gyda busnesau yn parhau, a byddai arolwg arall i geisio eu safbwyntiau yn cael ei rannu maes o law. Hyd yn hyn, roedd RSPs eraill wedi gweld cyfraddau ymateb isel hefyd. O ran cyflawni'r ddarpariaeth prentisiaethau, esboniodd ACH nad oedd yr adroddiad wedi cael ei rannu gyda Bwrdd RSP eto, felly nid oedd yn gallu mynd i fanylder. Yn gyffredinol, mae nifer o gyflogwyr yn dewis talu am brentisiaethau ar draws y ffin oherwydd rhwystrau megis argaeledd, ansawdd a phriodoldeb cyrsiau. Mae angen cynnal sgysiau pellach gyda phartneriaid. Anogwyd aelodau i ddod ymlaen gydag unrhyw awgrymiadau.

Amlygodd KH y ffaith y byddai'n destun pryder pe bai busnesau yn dewis prentisiaethau ar draws y ffin am resymau ieithyddol a fframwaith arbenigol.

---

Efallai y bydd angen ystyried dull gweithredu mwy hyblyg er mwyn sicrhau bod sgiliau sy'n ofynnol yn y rhanbarth yn cael eu datblygu yn y rhanbarth.

Esboniodd ACH na fu llawer o ymateb a oedd yn ymwneud â'r iaith Gymraeg, er gwaethaf y gwaith a wnaethpwyd gyda'r Coleg Cymraeg Cenedlaethol a Chomisiynydd y Gymraeg. Byddai gweithdai er mwyn ymgysylltu â chyflogwyr i ddatblygu mynediad i'r iaith Gymraeg yn cael eu cynnal ar ôl lansio'r Cynlluniau Sgiliau a Chyflogaeth. Roedd LIC yn gweithio gydag RSPs i fynegi pryderon ynghylch y diffyg darpariaeth trwy gyfrwng y Gymraeg mewn addysg ôl-16, a rhoi sylw i hyn.

O ran arbenigedd, roedd gan Loegr safonau prentisiaeth, a oedd yn bodloni anghenion cyflogwyr a busnesau trwy ystyried technoleg a dulliau gwell. Barnwyd bod y fframwaith a ddefnyddir yng Nghymru yn llawer mwy caeth ac nid oes unrhyw hyblygrwydd er mwyn cael mewnbwn gan gyflogwyr. Roedd cyflogwyr yn dewis talu am y Safon yn Lloegr, o ystyried y ffaith ei fod yn cynnig gwaelodlin o ran lefel sgiliau.

Amlygodd CT y ffaith bod pwyntiau allweddol ac adborth gwerthfawr wedi cael ei rannu gan y sector preifat a chyflogwyr yn y rhanbarth.

Eglurodd ACH bod y pryderon y cyfeiriwyd atynt wedi cael eu codi gyda Huw Morris ac yn ddiweddarach gyda Chris Hare ac yn ystod pob cyfle arall, fodd bynnag, roedd LIC yn hapus gyda'r fframwaith. Mae darparwyr addysg bellach a darpariaethau chweched dosbarth yn adrodd bod y fframwaith yng Nghymru wedi gweithio, fodd bynnag, nid oedd busnesau yn rhannu'r un farn. Byddai wedi bod yn well cael nifer uwch o ymatebion i'r arolwg, felly byddai mwy o waith yn cael ei wneud gyda byd busnes i gasglu tystiolaeth. Ar ôl i hyn ddigwydd, nododd ACH y byddent yn derbyn cymorth y ddau Brif Weithredwr wrth godi'r pryderon gyda LIC.

#### **PENDERFYNWYD**

- Bod aelodau Cyd-Bwyllgor TCC yn cymeradwyo'r logo RSP arfaethedig
- Nodi'r cynnydd a wnaethpwyd hyd yn hyn.

#### **5. EITHRIO'R CYHOEDD**

Ni ddylid cyhoeddi'r adroddiad sy'n ymwneud ag eitem 5 gan ei fod yn cynnwys gwybodaeth wedi'i heithrio fel y diffinnir ym mharagraff 14 Rhan 4 Atodlen 12A Deddf Llywodraeth Leol 1972, fel y'i diwygiwyd gan Orchymyn Llywodraeth Leol (Mynediad i wybodaeth) (Amrywiad) (Cymru) 2007. Ar ôl cynnal Prawf Budd y Cyhoedd, os bydd y Cyngor yn penderfynu ystyried yr eitem hon yn breifat, caiff y cyhoedd a'r wasg eu gwahardd o'r cyfarfod tra bod y mater yn cael ei ystyried, yn unol ag Adran 100B(2) y Ddeddf.

#### **PENDERFYNWYD**

Cytunwyd gwahardd y cyhoedd a'r wasg wrth ystyried eitem 5 isod gan bod dogfennau yn cynnwys gwybodaeth sy'n ymwneud â materion ariannol neu fusnes y Cynghorau, na ddylid eu datgelu i'r cyhoedd nac i'r wasg at ei gilydd.

#### **6. BARGEN TWF CANOLBARTH CYMRU**

---

Rhoddodd CM drosolwg i'r aelodau o'r Adroddiad Cynnydd Chwarter a ddosbarthwyd cyn y cyfarfod. Cyfeiriwyd at y pwyntiau canlynol a oedd yn ymddangos yn yr adroddiad:

- Cynnydd y Fargen Twf
- Datblygiad Rhaglen – Digidol
- Datblygiad Rhaglen – Safleoedd ac Adeiladau
- Datblygiad Prosiect – Aseidiadau Achos Amlinellol Strategol

#### **PENDERFYNWYD**

- Ystyried y diweddariad am y cynnydd a sicrhawyd a nodi unrhyw bryderon/materion allweddol.
- Cymeradwyo argymhellion Tîm y Swyddfa Rheoli Portffolio a'r Grŵp Rheoli a nodir ym mharagraff 9.2 yr Adroddiad ar ôl asesu prosiectau'r Fargen Twf, er mwyn symud y Portffolio yn ei flaen i ddatgloi cyllid.

|    |                           |
|----|---------------------------|
| 7. | <b>UNRHYW FATER ARALL</b> |
|----|---------------------------|

Dim.

|    |                                    |
|----|------------------------------------|
| 8. | <b>DYDDIADAU CYFARFODYDD NESAF</b> |
|----|------------------------------------|

12 Rhagfyr 2022 – Rhithiol

Yn dilyn trafodaeth, cytunwyd y byddai ymweliad wyneb-yn-wyneb yn cael ei drefnu er mwyn i aelodau ymgysylltu â'i gilydd a'r prosiectau i'w hystyried cyn y cyfarfod ym mis Rhagfyr.

**Y Cynghorydd Sir James Gibson-Watt**  
**Cadeirydd**